

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 13. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) i člana 3. Pravilnika o načinu pregleda umrlih, te utvrđivanja vremena i uzroka smrti („Službene novine Federacije Bosne i Hercegovine“, broj: 79/13 i 9/14), na prijedlog Ministarstva zdravstva, Vlada Zeničko-dobojskog kantona, na 22. sjednici, održanoj dana 17.08.2015. godine, d o n o s i

ODLUKU

o visini naknade za obavljanje pregleda umrlih, utvrđivanje vremena i uzroka smrti osoba umrlih izvan zdravstvene ustanove na području Zeničko-dobojskog kantona

Član 1.

(Predmet Odluke)

(1) Ovom Odlukom utvrđuje se visina naknade za obavljanje poslova pregleda, utvrđivanja vremena i uzroka smrti osoba umrlih izvan zdravstvene ustanove na području Zeničko-dobojskog kantona.

(2) Pregled, utvrđivanje vremena i uzroka smrti osoba umrlih izvan zdravstvene ustanove na području Zeničko-dobojskog kantona obavljaju doktori medicine (u daljem tekstu: mrtvozornici), koje rješenjem imenuje Ministar zdravstva Zeničko-dobojskog kantona.

(3) Imenovani mrtvozornici su dužni obavljati mrtvozorničku djelatnost u skladu sa Pravilnikom o načinu pregleda umrlih, te utvrđivanja vremena i uzroka smrti („Službene novine Federacije Bosne i Hercegovine“, broj: 79/13 i 9/14).

Član 2.

(Visina naknade i izvori finansiranja)

(1) Naknada iz člana 1. ove Odluke utvrđuje se u neto iznosu od 30,00 KM po jednom pregledu, uključujući i putne troškove.

(2) Sredstva iz člana 1. ove Odluke sa pripadajućim porezima i doprinosima isplatit će se iz Budžeta Zeničko-dobojskog kantona za 2015. godinu, razdjel 21, budžetska organizacija 01, potrošačka jedinica 0001-Ministarstvo zdravstva, ekonomski kod 613900-Ostale ugovorene usluge-za mrtvozorstvo.

Član 3.

(Realizacija Odluke)

(1) Ministarstvo zdravstva će sa imenovanim mrtvozornicima zaključiti ugovore o djelu, koji će biti osnov za isplatu naknada.

(2) Mrtvozornici su obavezni voditi evidenciju o izvršenim pregledima umrlih osoba, te na temelju te evidencije dostavljati tromjesečni izvještaj Ministarstvu zdravstva u roku 10 dana po isteku tromjesečja u slijedećoj formi:

Ime i prezime mrtvozornika	Zdravstvena ustanova u kojoj je uposlen	Mjesec ____		Mjesec ____		Mjesec ____		Tromjesečje_	
XXX	XXXX	Broj slučajeva pregleda	XXX	Broj slučajeva pregleda	XXX	Broj slučajeva pregleda	XXX	Ukupan broj slučajeva pregleda	XXX

(3) Ministarstvo zdravstva na temelju tromjesečnih izvještaja utvrđuje ukupnu tromjesečnu naknadu za obavljene mrtvozorničke poslove i vrši obračun i isplatu neto naknada sa pripadajućim porezima i doprinosima.

(4) Za realizaciju ove Odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“, a primjenjivat će se od 01.07.2015. godine.

Broj: 02-_____/15.
Datum, 17.08.2015. godine
Zenica

PREMIJER

Miralem Galijašević

DOSTAVLJENO:

1x Ministarstvo zdravstva,
1x Ministarstvo finansija,
1x Općinskim načelnicima Zeničko-dobojskog kantona, putem ministarstva,
1x Domovi zdravlja, putem ministarstva,
1x „Službene novine Zeničko-dobojskog kantona“,
1x a/a.